

30 ariba lista di espera di Imeldahof y Casa Cuna ta yen

Muchanan victima di nan mayornan

Hopi caso di maltrato pisa y violacion di mucha

ORANJESTAD(AAN)--

Parehanan ta divorcia y mayornan ta hinca otro homber o muher den cas. Mal uso di droga, di alcohol. En general, e cambio den actitud di mayornan awe tin consecuencia grave ariba un grupo creciente di mucha, cu mester paga e cuenta di actitud di nan mayornan cu maltrato pisa, violacion sexual y otro situacionnan dramatico, cu ta keda presenta na lugarnan manera Casa Cuna y Imeldahof, cu a yena.

Na momento cu e ambiente cu e mucha ta biba aden no ta uno cu ta aceptable, instancianan oficial ta drenta den contacto cu dos institucion na Aruba: Casa Cuna o Imeldahof. Na Casa Cuna nan ta cuida muchanan te 6 aña y Imeldahof ta cuida e muchanan di 6 pa 18 aña.

E institucionnan ta bon conoci na Aruba, pero loke poco hende sa ta cu situacion a

Imeldahof ta completamente yen. Di parti di Instancianan oficial tin 30 peticion pa tuma mucha, cu no por haya lugar ainda. Casa Cuna tambe ta yen. Mas y mas mucha ta bira victima di nan mayornan.

cuminsa preta y cu demanda a bira asina alto, cu ya no por cumpli cune.

Imeldahof mas y mas ta conta awor cu Arubiananan, mientras e Soeurnan, cu tabata encarga cu e centro ta bira bieo y edad a haci cu varios di nan mester a retira. Imeldahof ta biba cu un situacion di tene cabez a penas ariba awa, mientras necesidad ta grandi.

Actualmente tin 30 mucha ariba lista di espera pa haya un lugar den Imeldahof, cu ta completamente yen, mescos cu

Casa Cuna. E hecho cu e centronan ta yen ta denota cu algo negativo ta pasa den comunidad.

E 30 muchanan cu ta ariba lista di espera a keda presenta pa instancianan oficial, cu ta haya cu nan no por keda mas den ambiente familiar. Informenan ta indica cu mas y mas mucha ta bira victima di maltrato pisa y di violacion sexual. E motibonan ta bao investigacion. Pero tin indicacion cu cambianan den forma di bida ta e problema principal.


Awor cu hopi caso di divorcio ta keda registra, mas y mas mucha ta haya nan mes ta biba cu un homber o muher cu no ta nan tata y mama. Especialmente mamanan joven ta hinca homber den cas, despues di divorcio, sin tene cuenta cu e peligro cu esaki ta encera pa nan yunan. E muchanan ta bira victima, sea mental ya cu nan mester biba den un situacion cu nan no por comprende, o fisicamente, ya cu hopi biaha e cambio constante di homber den cas ta trece cune cu e homber

sea ta duna e mucha un maltrato o ta hasta viole.

Hopi mama ta hinca problema den cas pa nan yunan, manera a keda muestra na DIARIO pa diferente persona cu DIARIO a conversa cune despues di a ricibi e informe alarmante di e situacion. Mas y mas mucha ta bira victima di nan mayornan, ta e informe clave cu a worde pasa pa esnan cu a muestra tambe cu un grupo di mucha cu ta keda na Imeldahof ta yiu di drogadictonan o personanan cu a cay den man di Justicia pa motibo di droga.

Muchanan ta pagando e cuenta di e mayornan y ta birando victima, a worde muestra. E situacion ta haya un aura mas alarmante ora tene cuenta cu ta un grupo chikito di esnan cu ta worde fisicamente, mentalmente, o hasta sexualmente abusa, ta cay den man di instan-

Sigui lesa pag.8



Comentario

Imeldahof, Casa Cuna y un necesidad

Na momento cu comunidad tin un instancia cu e por tene ne pa realizacion di cierto labornan, hopi biaha e ta lubida su propio responsabilidad. E destino di muchanan cu ta worde cuida na Imeldahof y Casa Cuna mester ta un preocupacion pa comunidad, ya cu ta trata aki di ciudadanonan di mañan. Ta justamente e realidad aki ta yena nos cu mas preocupacion, ya cu nos ta puntra nos mes con comunidad di mañan lo ta, si awe ya nos ta kibra e base di esnan cu mester forma e comunidad aki. Ta un hecho cu un mal experiencia den infancia poco biaha ta worde lubida completamente pa un mucha y hopi bez ta bay influencia su actuacion ora e bira adulto. Mientras mayornan confluencia na kier bira conciente di loke nan ta haci y ta prefera di hunga ignorante, derando nan concenshi den santo, ta keda un hecho cu comunidad mester percura pa tin institucionnan capaz pa atende e demanda.

E situacion na Imeldahof y Casa Cuna mester bay conoce un mehoracion y na nos opinion a bira tempo pa coy e baca na su cacho. Na promer lugar mester admitti cu mester bin un institucion mas. Un institucion, cu ta bay encarga su mes cu juvennan di entre por ehemplo 12 pa 18 aña, ya cu ta poco dificil pa pone mucha di 6 aña hunto cu mucha di 12 aña.

Esey kier meen cu mester bini un ampliacion di e cantidad di servicionan disponible. Comunidad mester percura pa tanto Casa Cuna como Imeldahof na propio bienestar di comunidad. Ta bira tempo tambe pa bay obliga e mayornan, cu a percura pa nan yunan haya nan mes den un situacion desastroso, cura pa nan yunan haya nan mes den un situacion desastroso, cura parti di e responsabilidad. Lo mester mishi cu e unico cos cu aparentemente ta importante pa nan, esta nan saco y laga nan cuminsa aporta, atrabez di aregionan legal, grandemente den mantencion di e institucionnan.

Loke ta pasa cu hopi mucha ta un abuso di marca mayor. No por tin comprension ni respet pa un mama o tata, cu ta pone

interes di su yiu un banda, pa asina busca placer o loke e ta busca. E asunto di mamanan y tatanan moderno, cu ta kere cu nan yiu mester guli tur loke nan pone den nan bida, no ta mas cu cobardia. Pasobra ta abusa di muchanan indefenso cu no por haci nada pa nan mes.

For di momento cu un hende pone un yiu na mundo, e tin un responsabilidad, sea cu e ta mama o tata. Esun cu no cumpli cabalmente cu e responsabilidad aki a faya y ta un fracaso total. Ademas e ta daña su propio imagen den bista di hende, ya cu un hende cu no por pone interes di su propio yiu dilanti, dificilmente por tin pa duna otronan cu ta rondone.

Interes di un mucha no ta paña bunita, ora ta cumbini pa mundo mira, ni cantidad di juguetes pa laga mama y tata trankil. Interes di un mucha ta pa e por desaroya su mes den un ambiente cu ta haci posible pa un dia e ta un ciudadano conciente. Un mucha cu ta mira e homber di su mama cambia o e muher di su tata cada bez haya otro cara, hamas por crece cu e grado di seguridad cu e mester pa bay dilanti. Un mucha cu worde asina mentalmente abusa, ta worde prepara pa bira un ciudadano sin sentimento pa loke ta pasa rond di dje. Un mucha cu worde fisicamente o sexualmente abusa, ta den mayoria di caso esun cu mañan lo tuma su venganza na un forma o otro.

Imeldahof y Casa Cuna ta yuda frena e rumbo tan negativo cu mayornan calacuna ta diseña pa nan yunan. Comunidad mester yuda Imeldahof y Casa Cuna y autoridad mester bay introduci aregionan pa laga mamanan y tatanan, cu a yuda hinca nan yiu den problema sirti kico nan a haci. Mamanan y tatanan mester cuminsa comprende cu e lagrimanan cu nan yunan ta derama den silencio o cu gritonan di horror pa e abuso cu ta worde cometi contra nan, un dia lo bira e peor arma contra esnan cu sin ningun derecho moral ta yama nan mes mama y tata.